




Kanton Graubünden
Chantun Grischun
Cantone dei Grigioni

CPDR 03

Convenziun davart ils dretgs dals umans cun impediments
en il chantun Grischun



Allegra, Grüezi, Ciao

L'onn 2024 è in onn impurtant per ils dretgsda persunas cun impediments. Cun ils Dis d'acziun naziunals 2024 duain ils dretgs da persunas cun impediments vegnir tematisads en la publicitad dal'entira Svizra.

Ina survista dals temas:

- Dis d'acziun 2024 davart la Convenziun da l'ONU davart ils dretgs dals umans cun impediments
- Plazzas da lavur integrativas per persunas cun impediments
- Rapport davart il stadi da realisaziun da la CRPD en il Grischun

Salids amicabels

Susanna Gadiant
Manadra da l'uffizi
Uffizi dal servetsch social dal Grischun

Daniel Kistler
Manader da l'Integrasiun da persunas
cun impediments
Uffizi dal servetsch social dal Grischun

- La newsletter èscritta per gronda part en lingua simpla. Ella cuntegna curtas resumaziuns enlingua facila.

- Ina remartga per las personas cun impediments da vesida: Lalingua facila dovra segns speziels. Perquai na pon screenreaders eventualmain betg preleger correctamain las passaschas dal text «Resumà en lingua facila».

Dis d'acziun naziunals 2024

Tema Render visibels ils dretgs
da las personas cun impediments en il Grischun



Pertge Dis d'acziun naziunals 2024?

La primavaira 2014 ha la Svizra suttascrit la Convenziun da l'ONU davart ils dretgs dals umans cun impediments (CRPD). A chaschun dal giubileum da 10 onns han lieu dis d'acziun en tut la Svizra. Ils dis d'acziun vegnan organisads damez matg fin mez zercladur 2024.

Dis d'acziun en il Grischun – As participai!

Il Grischun sa participescha. Igl è impurtant da tematisar ils dretgs da las personas cun impediments en la publicitad. L'onn 2024 è ideal per quest intent. Tut las regions pon profitar da la forza concentrada dals dis d'acziun naziunals. Questa forza duai er far effect en il Grischun. Per quest intent dovri la collavuraziun d'organisaziuns, da federaziuns, d'interpresas e da vischnancas. As participai – i vala la paina.

Tge ston ins resguardar per realisar projects?

Ils projects duain ademplir trais criteris daqualitad:

- avoir in connex cun la CRPD
- integrar personas cun impediments, davent da la planisaziun fin a la realisaziun
- esser accessibels per tut las personas cun impediments

Co duain ins proceder cunv tals projects?

Sin la pagina d'internet [Futur Inclusiun](#) chattais Vus istorgias da success ed inspiraziun.

Tge fan la Confederaziun ed ils chantuns?

Actualmain èn en curs preparaziuns coordinadas sin plaun federal e chantunal. L'Uffizi federal per l'egualitad da persunas cun impediments (UFPI) ha nominà ina gruppa da project.

Quai fa il chantun Grischun

- cusseglar ed accompagnar il svilup d'acziuns
- administrar ina plattafurma digitala cun in chalender d'occurrenz per far reclama per las acziuns
- sensibilisar las medias e las animar da rapportar

Co vai vinavant?

Cun la newsletter CRPD As tegnain nus al current.

Contact: En cas dadumondas As drizzai a Daniel Kistler, behindertenintegration@soa-gr.ch.



Resumà en lingua facila

L'onn 2014 ha la Svizra sutscrit la Convenziun da l'ONU davart ils dretgs dals umans cun impediments.

Il matg ed il zercladur 2024 datti dis d'acziun en tut la Svizra.

Er en il Grischun.

Cun ils dis d'acziun vegn il tema dals dretgsda las persunas cun impediments fatg enconuscent.

Nus avain plaschair, sche bleras organisaziuns sa participeschan.

Plazzas da lavur integrativas per persunas cun impediments

Situaziun en il Grischun



Las plazzas da lavur integrativas

Las plazzas da lavur integrativas èn impurtantas per persunas cun impediments. Ellas sustegnan lur participaziun ed integraziun sociala. En il Grischun stattan a disposiziun var 70 plazzas da lavur integrativas sin l'emprim martgàda lavur. Quai è allegraivel. Ma igl è impurtant da motivar ulteriuras interpresas d'engaschar persunas cun impediments.

L'Uffizi dal servetsch social dal Grischun promova dapi l'onn 2012 la creaziun da plazzas da lavur integrativas per persunas cun impediments, cun cussegliar patrunas e patruns sco er cun pajar contribuziuns finanzialas.

Co vesa quai ora en la pratica?

En il [video](#) sin nossa pagin ad'internet discurran in lavurant ed in patrun dal chantun Grischun davart lur experientschas. Là chattais Vus er [infurmaziuns per patrunas e patruns](#) davart quest tema.



Resumà en lingua facilà

Plazzas da lavur per persunas cun impediments èn impurtantas.

I dat anc memia paucas firmas che engaschan persunas cun impediments.

L'Uffizi dal servetsch social sustegna las firmas, sch'ellas engaschan persunas cun impediments.

In [video](#) mussa co che quai funcziuna.

Rapport CRPD a la Regenza

Situaziun e mesiras en il chantun Grischun

Il rapport davart la situaziun en connex cun la Convenziun da l'ONU davart ils dretgs dals umans cun impediments en il chantun Grischun è fatg. Ils proxims mais vegn la Regenza a discutir davart las mesiras pussaivlas. Silsunter vegn publitgà l'entir rapport. Nus As tegnain alcurrent.



Resumà en lingua facila

In studi davart la situaziun da las persunas cun impediments en il Grischun è terminà.

Ils resultats e las mesiras vegnan resumads en in rapport.

La Regenza discuta mesiras pussaivlas.

Sunter vegn il rapport publitgà.

Uffizi dal servetsch social dal Grischun | CPDR 03 | 27.06.2023

Contact: behindertenintegration@soa.gr.ch

[Impressum](#)

[Annunziar per la newsletter](#) | [Visar la newsletter](#)